

你認唔認你係基層同志？

陳先生，今年八月就基佬四十，中五未畢業，17歲出來打工，做過辦公室助理，sales，酒店，

當年最高薪的職業是械款車護衛，因同行朋友上班時被槍殺，

深明這份工「看實銀錢」的工作一出事只有死路一條，自己也惟有辭職；

最近8年，轉職物業管理，即是保安。當年32歲，當了個最帥氣的保安哥哥。

現時，他已是保安叔叔，薪金少於入息中位數10000元，家住公屋，要交租，照顧媽媽每月給予家用。

12碼的工作長時間，加上輪班的不定時，健身房就最配合他的作息，

健身房多功能包括，他物盡其用，做做健身、認識朋友，也會就地征法，

雖然被竊竊私語，”形”衰基佬，

近期已學懂電腦基本上網，可在轉戰網上世界，仍不忘最真實的健身房。

細細個陣有個泰國來的姐姐照顧我。佢當時應該2 X歲，會講廣東話英文，聽講她以前在家鄉還是大學生！本來阿媽都幾中意呢個姐姐，可能係因為佢男仔頭打扮？阿媽話：“咁先唔會勾引到我個花心老豆”。不過我初中開始喜歡同性覺得自己係”女人的細嫩身體裝著男人心”，阿媽見我個樣越來越TB，開始鬧話係姐姐教壞我。阿媽開始逼佢著裙，還叫她周日不准去維園約女仔。

後來有個星期日我同阿媽去銅鑼灣，見到我姐姐攬住左個女仔，佢今日無著屋企個條A字老土裙，反而著左件加大碼tee加寬腳牛仔褲，我第一次見到我姐姐笑得咁開心著得咁charm。第二日同佢講個日佢好型仔。不過過左幾日佢就比阿媽炒左。我跟我阿媽為此炒左獲大，點知佢話：“你變成咁我都已經無眼睇！泰國人搞基更加眼冤囉！”當堂，啞左。

幾年之後我同女朋友在遮打花園碰到佢，佢依然好開心咁係到同另一個好女仔樣的姐姐（女朋友？）跳舞，其實我好想同佢講對唔住。不過已經唔知點開口。

阿b，現年24歲，在salon當上學徒已接近三年。

中學時代就讀女校，由於她性格較為外向熱情的，在校內不乏同學的追求。由那時起知道自己對同性間的愛沒有反感 / 抗拒，而且間中和不同的同學展開一些曖昧的關係。中五時輟學，去了報讀髮型課程，立志成為一個出色的髮型師。一年後出來社會工作，在朋友的介紹下在一間高級髮型屋工作。

那時起，由於她跟隨學師的師父有較多的顧客，因此要由早上9時一直工作到晚上至少8時才能下班。有時準備放工前時遇到些較熟稔的顧客到來，亦要為她們弄好頭髮後才能下班。很多時候，離開公司的時間已是晚上10時多。

只因這是她喜歡的職業，所以並沒埋怨。在些生意較為清靜的日子，8時下班後亦會留在公司作些實習。閒時放假亦因過去一星期的工作疲累而寧願留在家裡休息。

三年的過去，工作上得到些小成就，開始想結識多些朋友。但由於工作時間長，放假的日子又必定不會在公眾假期，所以在認識新朋友方面感到十分困難。

現在只能寄情於工作，唯有渴望有天能在機緣之下遇到志同道合的人。

你識唔識基層同志?

自述：我叫祖，是一個基層中的同性戀者。但在尋找對象時，卻遇上了難題，因為現在的公廁設計，已不如八九十年代時，那麼方便，因該年代的廁格設計，比較隱蔽，不似現在，亦方便一些急於釣魚的同志。

而因為，我本身的基層同志身分，即使想經常出現在一些所謂”魚塘”的桑拿浴室，或Disco，酒吧等，亦不容易，雖然一次只是收費\$60-\$80。但小數怕長計，始終，是一大筆消費。

另外，在同性戀圈子裡，和異性戀世界一樣，很不容易維持一段長久關係，大部分，關係都是，純粹是建基於性，而當這些滿足了後，又新鮮感刺激感皆欠奉時，這段關係，便會無疾而終。因為，不論哪一個圈子裡，都有一批獵食獵物的專家。他們亦深心明白，不容易擁有一段固定關係，所以，他們亦不做此奢求。

(祖，基層中的同性戀者，多年痒癩症及被判憂鬱症的”精神病康復者”。)

吳先生，4 X歲，同志。無不良嗜好，做人安分守己，孝順父母，待朋友真誠，又懶係經濟獨立——打份萬多元的工，但總覺得自己一個花太鬆動才開始想找個老伴。於是開始去下gay foru貼post，明明自覺條件不差，但個個在網上傾得好好地地約出來不夠兩次就消失得無影無蹤。終於有一次去同志桑拿被一萬個藉口拒絕入內，又聽到旁邊有人竊竊私語：

”好心照下鏡啦，發福光頭仲著喇叭褲，點好意思叫桑拿招待你啊！” 喔！叮左一聲。

做基佬樣衰D都係罪過？條線為甚麼可以set得特別高，高到社交空間都可以全部無曬比人BAN曬？點解基片永遠只有帥男相愛，但直片又能有醜男配美女／醜女配美男？外貌被忽視的同志唔通唔係基層同志啊？！

華哥，六十三歲，同大部份中老年人一樣，華哥好細個就無讀書，出嚟打工養家，幾乎行行都做過，香港工業好景時做了很長時間的五金廠，雖然人工ok，不過無勞保囉。工業北移後，華哥唯有轉行做清潔，人工低工時長，但華哥覺得還可以繼續做野證明自己的工作能力，而且仲可以生活到，都沒有想過辭工。

華哥好細個已經知道自己同好多人唔同，對女性無興趣，但又唔知點解自己會咁(當時自己根本唔知咩係同性戀)，華哥都有諗過結婚，不過明知自己唔會鍾意對方，無謂害人一世，所以一直都係單身。以前無咁多關於同性戀既野，要識人都唔知可以去邊，雖然係工廠都見到啲啱心水既人，不過又唔知對方係唔係，所以都無試過向對方表白……就這樣好多年好多年，人係老左，但有時候見自己老當益壯鍾依然腰力強勁，做清潔十個鐘都唔會似D後生行幾步路就話腳痛，都覺得自己幾厲害。

而且個人見識多左知道多左，得閒都會去下公廁望下，不過其他人根本當華哥無到，”咁又係既，可以既話都想搵啲後生啦，點會搵我，唔知人哋仲以為我係清潔公廁既添”華哥好識得講笑安慰自己。

人老咗唔代表對性無興趣，只係其他人唔畀對你有興趣，想識人，好難……

彩鳳的 由中產走回基精障故事：

再講件事，我改變左講法：當年既「同性失戀」令我憂鬱病發係假既。

我今年34歲，表面上算係女人，社工畢業，工會工作一年，無業多年，輾轉原因選擇繼續學術研究工作。自小從大陸福建來港，好窮，家中同父異母既哥哥又病重，印象中，年紀幼稚就成日唔開心，係個「喊包」。係大我四十歲既父母過度節儉生活，以及教育制度既好多盲點之下，我後來碌左上大學讀社工，無意之中，變成左中產。

但中產生活既可能無令我開心起來，一來係因為無辦法脫離貧窮生活的經驗，常常見到其他在貧窮中既人仍是會深同感受，好記得睇笑片，見到窮人比人蝦比人當笑料，d係會睇到好開心，我就係咁喊；二來因為哥哥既病，令我時常疑惑到底人既自主性可以去到點？三來身在傳統異性戀家庭長大既我，自小就成日發姣同男仔拍拖，由從來唔知咩係同性戀，甚至兩次被女仔勾搭時好驚.....

到十年前突然覺得好鐘意一個女仔同學.....我好驚但都向佢表白左，佢居然話：「我爸爸媽媽唔比我同女仔一齊！」「你當無識過我！」

我每日喊，每日坐係公園喊，因為無人明白，所以唔可以係識既人面前喊，坐係公園喊係最安全同自在.....後來停左學，被學校輔導員轉介左去私家診所食左3個月抗憂鬱藥，太貴喇，於是轉去公立診所，公立診所又話我無咩野，唔洗覆診.....忽然又成為精神病康復者。

有五年，我都覺得係異性戀強硬制度令我地無辦法起埋一齊，我深心不忿，亦懷疑同性戀關係既人好多都面對不同程度的憂鬱.....！到後來，我發現，「我爸爸媽媽唔比我同女仔一齊！」佢呢種講法固然係好多同性關係面對既難關，令好多人都唔能夠come out，更難去好好處理感覺關係；但同時，仲有另外一d難關：我地如何面對感情關係與生活！回想，當年只係因為佢唔鐘意我，我接受唔到佢唔鐘意我，好無自信心，成個生命都只睇到「感情關係」，身邊又無人去傾到底發生咩事，生命中又無落腳點，個天就好似跌左落黎.....多年來就算係異性戀關係，我無逃離自我中心、嫉妒(將關係太私有化)，沒有好好與身邊不同人建立關係，我仍舊會好憂鬱。所以我會話，唔知「『世間情』為何物？」先至係我憂鬱既源頭。



Ada，明明芳齡只得二十八，卻意外發現自己已被稱為「中女」。於屋邨中學教書數年的她，早已購入一輛私家車代步，物質生活看似無憂，所以每個舊同學都揶揄她是典型中產中女，見面即叫她「中中女」。中中女當然覺得不是味兒。

她介意的不是中女與否，而是那個前置的「中」字。中產這個名字對她來說，是死穴。兩年前她和她的那段情，就是因為這個名字而結束。她的那一句「我係Salon洗頭仔，你係老師；我月入六千，你月入二萬四，這個四倍比我想像中大。你還是找一個中產的吧。」仍然掛在Ada的耳邊。

Ada 不覺得自己脫離過童年的那種純真和原始，她常常回想走在屋邨公園、球場的日子。現在的她雖然每天穿著裙子高跟鞋抬頭上班去，但她的靈魂仍徘徊在那些公園球場，與一眾女孩子一同嬉戲著、甜蜜著。

也許她選擇在一所屋邨中學，與一眾來自基層家庭的學生一同成長，是她這個中中女的生活安慰劑。

直人撐基層同志

點解一講起個「基」字，大家只會想到靚仔靚女有錢皮膚白滑緊身衫褲草地狂奔？而對於身邊活生生有血有日肉的基層同志卻視而不見？

點解一講起個「基」字，你只會想到張國榮，唔會想起豬肉榮？想起HOCC，唔會想起菠菜蓮？想起專業人士，而唔會想起日日爲你家人打工的外傭姐姐？想起社會名流，不會想到住你樓上的獨居長者？

其實香港有好多基層同志，梗有一個係左緊，分分鐘多過seven eleven！

直人撐基層同志是一個自發性行動，強調基層在同志運動中的位置。我們是基層同志／直人，如果你也是基層同志／直人，就讓我們手牽手，心連心，腳踏腳，重奪屬於基層同志的生活想像，社交空間和言論位置！

